

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE

Dom naroda

Broj: 02/c-14 -3-802 /15

Sarajevo, 1. 6. 2015. godine

Na osnovu člana 64. stav (1) tačka a), člana 70. st. 1., 3. i 6. Zakona o javnim nabavkama („Službeni glasnik BiH“, broj 39/14) i člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, broj: 02/c-14-165/15 od 28.1.2015. godine i na Preporuku Komisije za provođenje postupka javne nabavke Doma naroda Parlamenta Federacije Bosne i Hercegovine broj: 02/c-14-3-701/15 od 29. 5. 2015. godine, u postupku javne nabavke za odabir najpovoljnijeg ponuđača za nabavku goriva za vozila Doma naroda Parlamenta Federacije Bosne i Hercegovine u konkurentskom zahtjevu za dostavu ponuda, sekretar Doma naroda, donio je

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 02/c-14-3-701/15 od 29. 5. 2015. godine i ugovor za za nabavku goriva za vozila Doma naroda Parlamenta Federacije Bosne i Hercegovine u konkurentskom zahtjevu za dostavu ponuda, dodjeljuje se ponuđaču **HIFA-PETROL d.o.o Vogošća**, ponuda JN/1479/15 od 27. 5. 2015.godine, za ponuđenu cijenu 13.552,00 KM bez PDV-a (slovima:trinaesthiljada petstotinapedestdvije KM), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **HIFA-PETROL d.o.o Vogošća** Sarajevo, najkasnije u roku od 10 dana od dana okončanja postupka javne nabavke.

Član 3.

Za izvršenje ove odluke odgovoran je sekretar Doma naroda Parlamenta Federacije Bosne i Hercegovine.

Član 4.

Ova odluka objavit će se na web-stranici Doma naroda Parlamenta Federacije Bosne i Hercegovine., istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Komisija za javnu nabavku imenovana je Rješenjem broj: 02/c-14-1540/14 od 24.12.2014 godine. Postupak javne nabavke pokrenut je Rješenjem o pokretanju postupka javne nabavke broj: 02/c-14-3-701/15 od 13.5.2015. godine. Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke je 19.000,00 KM bez PDV-a.

Obavijest o nabavci broj: 56-7-1-17-3-4/15 poslata je na objavu dana 13.5.2015. godine, a objavljena je isti dan na Portalu javnih nabavki.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabava):

- Ponuđaču: HIFA-PETROL.d.o.o. , Hotonj bb , 71 320, Vogošća,
- Ponuđaču: ENERGOPETROL d.d., Maršala Tita 36, 71 000, Sarajevo,
- Ponuđaču: GAZPROM, G Petrol doo Tešanjaska 24 A 71 000 Sarajevo

Na navedeni zahtjev za dostavu ponuda blagovremeno su pristigle sljedeće ponude:

1. HIFA-PETROL. d.o.o. , Hotonj bb 16, 71 320, Vogošća,
2. Petrol BH Oil Company d.o.o., Tešanjaska 24 a 71000 Sarajevo

Komisija za javnu nabavku dostavila je 29. 5. 2015. godine sekretaru Doma naroda Zapisnik o ocjeni ponuda i Preporuku o izboru najpovoljnijeg ponuđača broj: 02/c-14-3-701/15 od 29. 5. 2015. godine, u postupku nabavke goriva za vozila Doma naroda Parlamenta Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenila prispjele ponude, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 2.
- da su blagovremeno zaprimljene: 2 ponude.
- da su neblagovremeno zaprimljene: 0 ponuda.
- da je ponuda ponuđača HIFA-PETROL. d.o.o.: prihvatljiva.
- da je ponuda ponuđača Petrol BH Oil Company d.o.o nije prihvatljiva iz sljedećih razloga:

U skladu sa članom 68. stav (4) tačka i) Zakona o javnim nabavkama („Službeni glasnik BiH“ broj 39/14) i tačkom 2.5. Tenderske dokumentacije broj: 02/c-14-3-701/15 od 13.05.2015. godine, ponuda nije potpuna i ne ispunjava zahtjeve iz tenderske dokumentacije jer nije dostavljena tražena dokumentacija pod tačkom 2.2. stav g) pod b). „, Obrazac promjene cijene dizel goriva“.

Daljim uvidom u dokumentaciju utvrđeno je da ponuđač Petrol BH Oil Company u svojoj ponudi broj: 041-05-25- MD/15 od 25.05.2015. godine, iako je u Tenderskoj dokumentaciji pod rednim brojem 12. „Ostale informacije“ jasno naznačeno koje dokumente ponuda treba sadržavati, nije dostavio:

- Izjavu o spremnosti na korigiranje cijena u skladu sa kretanjima cijena na svjetskom tržištu,
- Izjavu o roku potpisa Okvirnog sporazuma, u roku od sedam dana od dana dostave Okvirnog sporazuma najuspješnijem ponuđaču, u suprotnom Ugovorni organ će takvog ponuđača prijaviti Agenciji za javne nabavke BiH i
- Izjavu o roku potpisa pojedinačnog ugovora u roku od 24 sata od trenutka dostave pojedinačnog ugovora koji je u skladu sa odredbama iz Okvirnog sporazuma i ponude najuspješnijeg ponuđača, u suprotnom Ugovorni organ će takvog ponuđača prijaviti Agenciji za javne nabavke BiH.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, sekretar Doma naroda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- Ekonomski najpovoljnije ponude, odnosno broja bodova izračunatih na temelju kriterija utvrđenih u obavještenju o nabavci i tenderskoj dokumentaciji, kako slijedi:

- | | |
|------------------------------------|----------------------------|
| 1. Potkriterij : Cijena | maksimalan broj bodova: 60 |
| 2. Potkriterij : Operativni trošak | maksimalan broj bodova: 40 |

	Naziv / ime ponuđača	Potkriterij Cijena	Potkriterij Operativni trošak	Ukupan broj bodova
		Broj bodova	Broj bodova	
1.	Hifa - Petrol d.o.o. Vogošća	55,852	40	95,852
2.	Petrol BH Oil Company	-	-	-

Naziv / ime ponuđača Ukupan broj bodova 95,852

1. HIFA-PETROL.d.o.o. , Hotonj bb 16, 71 320, Vogošća

Iz navedenih razloga, primjenom člana 64. stava (1) tačka a) i člana 70. Zakona o javnim nabavkama, te člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može ce izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- Sekretaru Doma naroda,
- Komisiji za provođenja postupka javnih nabavki Doma naroda
- Službi računovodstva,
- a/a.

SEKRETAR
DOMA NARODA

Izmir Hadžić

